



Doris J. Jensen

Siumut sinnerlugu Inatsisartunut ilaasortaq

§ 37 naapertorlugu apeqqutip nr. 127/2023-p akineqarnera

23-08-2023
Suliap nr. 2023-20520
All. nr. 23276977

Asasara Doris J. Jensen

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuunneqartut qujassutigaaakka. Apeqqutit issuarneqarput ataanilu akineqarlutik.

1) Nunatsinni katsorsaasut ilinniarsimasut (DAC) atorluarneqarnissaat anguniarlugu Naalakkersuisut pilersaaruteqarpat?

Taamaappat, Naalakkersuisunut pilersaarutit

nassuiaatigeqquneqarput.

Akissut:

Pinngitsuuisinnaajunnaarnermik katsorsaaneq *Pinngitsuuisinnaajunnaarnermik katsorsaasaneq pillugu Inatsisartut Inatsisaat nr. 10, 12. juni 2019-imeersumi malittarisassiuunneqarpoq*. Inatsimmi takuneqarsinnaavoq Naalakkersuisut pinngitsuuisinnaajunnaarnermut katsorsartinnissamik neqerooruteqarsinnaasut nammineq katsorsaavinni ingerlataminni imaluunniit kommunit, pisortaqarfiit allat imaluunniit neqerooruteqartut namminersortut suleqatigalugit. Innuttaasut assigiinngisitaartunik pinngitsuuisinnaajunnaarnermik katsorsarneqarnissaminut inatsisini periarfissinneqarput.

Nunarsuarmi katsorsaariaatsit siammarsimanerpaat marluk atorlugit neqeroortartut aqqutigalugit Allorfik ullumikkut neqerooruteqartarpoq. Allorfimmut neqeroortartumi (Katsorsaavik Nuuk) katsorsaariaaseq Minnesota aamma CENAPS atorneqarput, aamma Allorfiup katsorsaaviini oqaloqatigiinneq piumassuseqalersitsisussa q aamma eqqarsartaatsikkut pissusilersornermik allannngortitsiniarneq kiisalu timikkut peqqissaanermut periutsit atorneqartarput.

Katsorsaavik Nuuk aqqutigalugu nunatsinni illoqarfiit tamarmik ukiumut marloriarlutik Allorfimmit neqeroortigineqartarput, taamaattorli Qaanaaq aamma Ittoqqortoormiit minillugit, taakkunanimi ukiumut ataasiarluni katsorsaasoqarnissaanik neqerooruteqartoqartarpoq. Najukkami katsorsaanerit akornisigut innuttaasut tamarmik nunaqarfimmeersut Nuummi najugaqartinneqarlutik imaluunniit internet aqqutigalugu katsorsarneqarsinnaapput. Soorlu neqeroorutaasuni nunaqarfinni immikkut ittumik ingerlatsinissaq periarfissaavoq.

Naalakkersuisut isumaqarput katsorsaariaatsit katsorsaanissamullu periarfissat assigiinngitsut neqeroortigineqartarnerat ingerlaannassasoq, tassami katsorsaariaaseq sunaluunniit innuttaasunut tamanut iluaqutaasinnaasanngimmat aamma

katsorsaarnernik assigiinngitsunik neqerooruteqartoqaraangat innuttaasut amerlanerusut pinngitsuuisinnaajunnaarnernik katsorsartikkusuttarput. Tassunga atatillugu Allorfiup neqeroortitseqqammernera ilanngunneqarsinnaavoq, tassani katsorsaariaatsit assigiinngitsut neqeroorutigineqarsinnaasimapput, taamaammat manna tikillugu pinngitsuuisinnaajunnaarnernik katsorsaaneq pillugu isumaqatigiissutaasut april 2024-ip tungaanut atuupput, marloriarlutik ukiumik ataatsimik sivitsuuisinnaanernik periarfissaqarluni.

Isumaqatigiissutit annertussusaat pissutigalugu Namminersorlutik oqartussat Pisiortortarnermut, Ineqartitsigallartarnermut Ininillu attartuinnermut allaffiat aqqutigalugu neqeroortitsisoqartarpoq. Politikkikkut kissaatigineqarpoq pinngitsuuisinnaajunnaarnernik katsorsaaneq pillugu isumaqatigiissutit ilaat assigiinngitsunik ataasiakkaanik neqerooruteqartitsinertut tamanut ammasumik neqeroorutigineqassasut, taamaalillutik katsorsaasut amerlanerusut suliassamut neqerooruteqarsinnaaniassammata. Katsorsaasutut ilinniarsimasut tamarmik neqerooruteqaqullugit imaluunniit ataasiakkaanik isumaqatigiissuteqarlutik neqerooruteqartunut suleqateqaleqqullugit kajumissaarneqarput. Katsorsaasoq/katsorsaasut ilinniarsimasuussasut, aamma neqeroortitsinermi piumasaqaatit, tassunga ilanngullugu inunnut paasisutissat pillugit inatsimmik naammassinnissasut neqeroortitsinermi piumasaqaataavoq. Pinngitsuuisinnaajunnaarnernik katsorsaaniissamut neqerooruteqartoq isumaqatigiissutit ilaannut arlalinnut neqerooruteqarsinnaavoq. Isumaqatigiissutit ukiuni arlalinnut atuuttussatut neqeroorutigineqassapput, taamaalillutik neqerooruteqartut ataasiakkaarlutik pinngitsuuisinnaajunnaarnernik katsorsaaniissamut neqerooruteqarsinnaaniissamut atatillugu piffissaq ungasinnerusoq eqqarsaatigalugu pisariaqartunik aningaasaliissuteqarsinnaassapput.

Piffissami 2024-2027-mi nutaamik neqerooruteqartitsinermi neqeroorutigineqarsimasut massakkut nalilersorneqaleruttorput. Neqeroortitsinermi kingullermi Katsorsaavik Nuuk pinngitsuuisinnaajunnaarnernik katsorsaalluni neqeroornissamut ajugaasuusimavoq.

Qulaani allassimasut tunngavigalugit Naalakkersuisoq isumaqarpoq, atornerluisunik katsorsaasutut ilinniarsimasunik atorluaniissamut periarfissaqalersitsisunik pisariaqartunik killiliussanik pilersitsisoqarsimasoq.

Inussiarnersumik inuulluaqqusillunga
Med venlig hilsen

Mimi Karlsen
Peqqissutsimut Naalakkersuisoq